

Na osnovu člana 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), člana 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09), člana 99. Poslovnika Općinskog vijeća Ilijaš ("Službene novine Kantona Sarajevo", broj:2/10) i Zaključka Općinskog vijeća Ilijaš broj:01/1-02-2202-3/14 od 30.10.2014.godine, Općinsko vijeće Ilijaš na svojoj redovnoj 24. sjednici održanoj dana 27.11.2014. godine, donijelo je:

**ODLUKU O DAVANJU SAGLASNOSTI ZA ZAKLJUČENJE
UGOVORA O KORIŠTENJU GRADSKOG NOGOMETNOG STADIONA U ILIJAŠU**

Član 1.

Ovom Odlukom daje se saglasnost Općinskom načelniku da sa Nogometnim klubom "Ilijaš" iz Ilijaša zaključi Ugovor o korištenju bez naknade Gradskog nogometnog stadiona u Ilijašu koji se sastoji od glavnog terena, pomoćnog terena, tribina na zapadnoj strani, montažnog građevinskog objekta sa svlačionicama i službenim prostorijama kluba, sve u jednoj cjelini ograđeno ogradom, ukupne površine 28.532 m², sagrađenih na zemljištu označenom kao k.č. broj:1861/1; 1861/6; 1844/1 i 1844/2 upisanom u K.O. Podgora (starog premjera), a što odgovara parceli označenoj kao k.č.broj: 21 i 22 K.O. Ilijaš Grad (novi premjer), na kojem pravo raspolaganja ima Općina Ilijaš .

Član 2.

Ova Odluka se odnosi na sadržaj i elemente Ugovora koji su dati u prijedlogu Ugovora o korištenju Gradskog nogometnog stadiona u Ilijašu, koji je sastavni dio ove Odluke.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1_____/14
Ilijaš, 27.11.2014.godine

m.p.

Predsjedavajući
Općinskog vijeća Ilijaš

Damir Filipović

O b r a z l o ž e n j e:

Pravni osnov za donošenje ove Odluke nalazi se u članu 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06), kojim se definišu vlastite nadležnosti jedinica lokalne samouprave, između ostalog i utvrđivanje politike upravljanja i raspolaganja imovinom jedinice lokalne samouprave. Članom 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) definisane su nadležnosti Općinskog vijeća, a članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10) definisani su propisi koje donosi Općinsko vijeće. Zaključkom Općinskog vijeća Ilijaš broj:01/1-02-2202-3/14 od 30.10.2014.godine omogućeno je ponovno razmatranje Prijedloga Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu, prije isteka roka od šest mjeseci.

Zaključivanje Ugovora o korištenju Gradskog nogometnog stadiona u Ilijašu neophodno je kako bi se uredila međusobna prava i obaveze Općine Ilijaš i Nogometnog kluba Ilijaš kao korisnika ovog stadiona. Nogometni klub Ilijaš koristi Gradski nogometni stadion od svog osnivanja 1996. godine bez jasno definisanih prava i obaveza, prije svega iz razloga što je ovaj objekat bio dodjeljen na trajno korištenje Sportskom društvu "Sloga" koje je nakon rata prestalo sa radom. Rješenjem Službe za imovinsko-pravne poslove, geodetske poslove i katastar broj:06/1-31-1779/13/MH od 21.08.2013.godine utvrđen je prestanak prava trajnog korištenja nad zemljištem državne svojine SD "Sloga", a utvrđeno je pravo raspolaganja u korist Općine Ilijaš. Nakon uknjižbe prava raspolaganja u korist Općine Ilijaš pristupilo se daljim aktivnostima na uređenju statusa ovog objekta.

Predloženi Ugovor o korištenju Gradskog nogometnog stadiona u Ilijašu omogućit će preciznije uređenje prava i obaveza kako između Općine Ilijaš i Nogometnog kluba "Ilijaš", tako i između Nogometnog kluba "Ilijaš" i drugih potencijalnih korisnika Gradskog stadiona i ostalih pripadajućih resursa, sve u svrhu boljeg održavanja stadiona i zaštite od daljeg propadanja i njegove devastacije.

Na 19.sjednici Općinskog vijeća Ilijaš održanoj 29.maja 2014.godine razmatran je prijedlog Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu na koji nije bilo primjedbi, ali je uloženo nekoliko amandmana na prijedlog Ugovora o korištenju Gradskog nogometnog stadiona u Ilijašu, te je predlagač povukao prijedlog na doradu do slijedeće sjednice.

Na 20. sjednici Općinskog vijeća Ilijaš održanoj 26.juna 2014. godine predložen je Ugovor, izmjenjen slijedećim amandmanima: Amandman na član 6. Ugovora vijećnice Selme Pušine koji se odnosio na zabranu točenja alkohola u ugostiteljskom objektu na Gradskom stadionu prihvaćen je djelimično, a zabrana točenja i konzumiranja alkohola definisana je u skladu sa članom 28. Zakona o javnom okupljanju ("Službene novine Kantona Sarajevo", broj: 32/09 i 11/11).

Amandman vijećnika Muhameda Handžića i Selvera Herića na član 9. Ugovora, koji su predložili da period korištenja Gradskog stadiona bude 25.godina nije prihvaćen, a predlagač je predložio da period korištenja stadiona umjesto pet godina bude deset godina s tim da je preciznije definisan način prestanka Ugovora.

Predloženi amandman vijećnika Adema Efendića da se omogući besplatno korištenje Gradskog stadiona za organizaciju manifestacija kojima je pokrovitelj općina Ilijaš već je bio sadržan u članu 13. Ugovora.

Prihvaćeni amandmani postali su dijelom integralnog teksta prijedloga Ugovora.

Na 20.sjednici Općinskog vijeća vijećnik Sead Šehić predložio je amandman o potpunoj zabrani prodaje, točenja i ponude alkoholnih pića u ugostiteljskom objektu na Gradskom stadionu. Ovaj amandman nije prihvaćen i predlagač je ostao kod svog prijedloga da se ta zabrana odnosi na tri sata prije i po završetku, kao i za vrijeme održavanja sportske priredbe što je u skladu sa članom 28. Zakona o javnom okupljanju ("Službene novine Kantona Sarajevo", broj: 32/09 i 11/11).

Vijećnik Nedim Matoruga predložio je amandmane, koje je predlagač prihvatio i koji su postali

sastavni dio predloženog Ugovora , a koji su se odnosili na slijedeće:

da se u članu 3. izvještaj o stanju objekta i realizaciji ovog Ugovora pored nadležne općinske Službe za društvene djelatnosti podnosi i Općinskom vijeću za svaku kalendarsku godinu po isteku godine; u članu 7. da je prije konačnog donošenja Pravilnika sa cjenovnicima Nogometni klub Ilijaš dužan prethodno tražiti saglasnost nadležne općinske službe uz mišljenje Komisije za kulturu i sport Općinskog vijeća, kako bi preko Komisije i Općinsko vijeće bilo uključeno u proces donošenja Pravilnika i na kraju u članu 9. Ugovora da period korištenja stadiona bude 5. (pet) godina, umjesto predloženih 10(deset) godina.

Predlagač je prije konačnog slanja ovog akta na Mišljenje Pravobranilaštvu Kantona Sarajevo održao sastanak sa Kolegijem Općinskog vijeća dana 11.novembra 2014. godine radi konačnog usaglašavanja prijedloga Ugovora, pri čemu je ovaj prijedlog dobio podršku Kolegija.

Nosioc stručne obrade: Služba za društvene djelatnosti

Predlagač: Općinski načelnik